

ÁRANGURSSTJÓRNUNARSAMNINGUR

milli umhverfissráðuneytis og Vatnajökulspjódgarðs

I. Tilgangur

Með samningi þessum er kveðið á um gagnkvæmar skyldur umhverfissráðuneytis og Vatnajökulspjódgarðs við útfærslu á lögbundnu hlutverki stofnunarinnar. Tilgangurinn er að festa í sessi ákveðið samskiptaferli milli ráðuneytisins og stofnunarinnar ásamt því að leggja grunn að áætlanagerð og mati á árangri af starfsemi hennar. Með áætlunum sem samkomulagið kveður á um er mótuð stefna til næstu ára. Þessar áætlanir eru stefnumörkun Vatnajökulspjódgarðs, verkefnaáætlun og rekstraráætlun.

Samningurinn breytir í engu ábyrgð ráðherra gagnvart Alþingi á rekstri stofnunarinnar eða þeim skyldum sem stofnunin hefur samkvæmt lögum. Þá ber stjórnvaldsábyrgð ráðherra með sér að hann getur fellt samninginn úr gildi ef ekki er staðið við ákvæði hans.

II. Hlutverk Vatnajökulspjódgarðs

Vatnajökulspjódgarður er ríkisstofnun undir yfirstjórn umhverfissráðherra. Stofnunin starfar eftir lögum nr. 60 frá 28. mars 2007.

Meginmarkmið með stofnun Vatnajökulspjódgarðs samkvæmt lögum eru:

- að vernda landslag, lífríki, jarðmyndanir og menningarminjar svæðisins,
- að gefa almenningi kost á að kynnast og njóta náttúru svæðisins og sögu;
- að auðvelda almenningi aðgengi að þjóðgarðinum án þess að náttúra hans spillist,
- að starfrækja þjónustumiðstöðvar á starfsstöðvum Vatnajökulspjódgarðs.
- að styrkja byggð og atvinnustarfsemi í nágrenni þjóðgarðsins.
- að stuðla að rannsóknum til að efla þekkingu á náttúru og náttúruvernd, sögu, mannlífi og menningarminjum á svæðinu.

III. Markmið og áherslur

Stefna og markmið Vatnajökulspjódgarðs eru skilgreind í fylgiskjali sem nefnist “**Stefnumörkun 2011-2014**” og er hluti af samningi þessum.

Einnig er meðfylgjandi fylgiskjal sem nefnist “**Verkefnaáætlun Vatnajökulspjódgarðs 2011**”. Þar eru settir fram mælikvarðar sem mæla árangur verkefna stofnunarinnar. Skjal þetta mun taka breytingum á hverju ári í samræmi við þróun þá sem leiðir af framkvæmd og eftirfylgni markmiðanna.

IV. Ábyrgð og skyldur Vatnajökulspjódgarðs.

Vatnajökulspjódgarður skal annast þau verkefni sem stofnuninni eru falin skv. lögum og reglugerðum.

Fjármálastjórn Vatnajökulspjódgarðs skal vera í samræmi við verklagsreglur fjármálaráðuneytisins um framkvæmd fjárlaga, rekstur og stjórnun ríkisstofnana í A-hluta.

Vatnajökulspjóðgarður skuldbindur sig til að haga rekstri sínum þannig að útgjöld séu innan fjárheimilda og fjármunir séu nýttir á árangursríkan hátt.

Vatnajökulspjóðgarður skal gera áætlun um rekstur sinn og viðfangsefni fyrir eitt ár í senn.

Vatnajökulspjóðgarður skal 1. desember ár hvert skila ráðuneytinu ársáætlun fyrir næsta ár sem innihaldi bæði rekstraráætlun fyrir komandi ár, verkefnaáætlun þar sem tiltekin eru markmið og mælikvarðar innan ársins á grundvelli langtímaáætlunar.

Vatnajökulspjóðgarður skal í upphafi árs skila inn niðurstöðu verkefnaáætlunar liðins árs og hvernig stofnuninni gekk að ná þeim markmiðum sem sett voru fyrir undangengið ár.

Vatnajökulspjóðgarður vinnur að jafnri stöðu kynjanna í starfi sínu.

V. Ábyrgð og skyldur ráðuneytis.

Umhverfissráðuneytið skal kynna Vatnajökulspjóðgarði tímanlega nýmæli og breytingar á lögum og reglum sem varða starfsemi stofnunarinnar og hafa samráð um mat á kostnaði vegna slíkra breytinga.

Ráðuneytið leggur mat á árangur Vatnajökulspjóðgarðs um framkvæmd þeirra verkefna sem samningurinn kveður á um. Mat þetta skal liggja fyrir eigi síðar en mánuði eftir að stofnunin hefur skilað inn gögnum fyrir undangengið ár.

Stefnt skal að því að halda árlega sérstakan fund ráðuneytisins með forstjóra Vatnajökulspjóðgarðs um málefni sem varða hann sérstaklega.

VI. Gagnkvæmar skyldur


Mikilvægt er að fjárveitingar til starfseminnar séu nægjanlegar til að stofnunin geti sinnt skyldum sínum, þróað starfsemina og búið við góða starfsaðstöðu. Í sameiningu munu samningsaðilar vinna að því að styrkja fjárhagslegan grundvöll stofnunarinnar.


VII. Gildistími og endurskoðun samnings

Samningurinn tekur gildi við undirritun. Hvor aðili um sig getur óskað eftir endurskoðun samningsins.

Samningur þessu er gerður í tveimur samhljóða eintökum og heldur hvor aðili sínu.

Reykjavík, 3. janúar 2011.


Svandís Svavarsdóttir
umhverfissráðherra


Þórður H. Ólafsson
framkvæmdastjóri